

**VOLUPTATIS CUM
VIRTUTE
DISCEPTATIO:
CAROLO BURGUNDIAE
DUCE ... VIENNAE...**

Benedictus Chelidonium



Benedictus Chelidonium Nicolao

Comiti de Salm Iuniori. S. P. D.



Mnibus idem genus esse mortalibus. Nicolae Comes eximie, si nostra repetatur primordia, sed non eandem quoque claritudinem manifestum est. Quippe aliis plerisque ignobilem sub obscuro uitam transigentibus, reliqui, pars corporis, pars item animi, pars denique utrisque praestantes uirtutibus, suam sunt adepti gloriam, atque illam suis nepotibus quoque ueluti capeffendae uirtutis monumeta post se reliquere. Sed quae nam per louem gloria, uirtutis esse hereditas, neque etiam possessorum? Aut quis nisi suuipius possessor esse uirtutis recte dici potest? Parens tuus antiquissima retroque ad Romanos usque numerata clarus prosapia quidem Sed suapte uirtute, & corporis qua est fortissimus, & animi qua prudētissimus multo se fecit clariorem, effecitque ut suorum titulorum haeres, possessor atque propagator iure dici queat, duplicique & suorum, & sua fulgeat ipsius ingenuitate, Illius nomen late per Germaniam nostram est celebre. Manum Italia nouit & Gallia, necnon & Martia sensit Helueria. Quarum quidem gentium longo militiae usu, & arma optime doctus est, & linguam, liberalium haud expertus litterarum uirum sese undecumque ornatissimum ostendit. Illum orbis princeps Maximilianus, & diligit: & pro eius qua sapientius in hostem fortitudine usus est amat. Ea itaque stirpe ueniens Nicolae puer optime, sic te te instituito ut tanti generis per aliquam morum turpitudinem, quandoquidem formae tibi non deest gratia, degener non inueniaris. Quod tum assequeris si inertiā prauorumque societate fugies optimis te studiis teque dignis sedulum exhibueris. Illis corpusculi tui florem decentiamque atque egregiam tuam indolem dedicato, summo peregrina cura, ut quod per disciplinati speciem animi, tuis de te polliceri uideris, aliquando prestes, dignusque parente tuo filius inueniatur. Ne autem uerbis te solummodo, neque etiam re aliqua ingenuas ad litteras, unde moribus prouenit ingenuitas, inducere uidear, hunc quantulumque est momenti, pueris enim, sed magnorum filiis parentum rogati cōdesce-

dentem colluimus, de Virtutis uictoria libellū Heroico a
me carmine factum adscribimus. Quem tu cum nonnullis
aliis de nobilitate adulescētibus, apud D. Mariam serenissi-
mam Hungarorū Reginā designatā. Dñmque MATtheum
S. angeli diaconum Cardinalē reuerendissimū, magna cum lau-
de, munereque non impari utpote aureo, recitasti. Vnde me-
tantilli laboris immo ocii, cōmuni adulescentiū utilitate
assumpti nequaquam pœnitet. Lætorque uobis ludi sub imagi-
ne, Virtutis amorē, audaciāque dicendi, teneris attulisse sub
annis, quanquā non nesciā fore qui id in me studium reli-
giose, sed nō secundū scientiam uituperēt, quibus suos lu-
dos, suasque desipiētiae laruas semper derisui patentes nos
quoque nunc ridēdo opponimus seria quum ludis pascali-
bus una cum illis aderimus, si uolent respōdebimus, dum
modo inter eos ullus erit seriis locus. Prauitatem Virtuti
certantē, illi Epicurū, isti Herculem testem, Carolum diui
Cæsaris Nepotem adulescentē optimū, litis iudicem quē
tu representabas induximus. Quod qui culpauerit, Cerbero
sit socius, latratorque bonorum. Illum tu Nicolae puer
optime Comesque prælustris, illum mordentē nō
morde, sed exemplo nostro ride, atque deuita
sensatos imitare & dilige, memētoque stu-
dioforū consortē Virtutis nō esse ex-
pertem. Postremo epistolarē hanc
admonitionē, atque nostrā nūc in
te studia sereno suscipe anio,
atque eo fauentior quo mihi
cūctisque litterarū amator
bus es gratior. Es autē
omnibus ingenua
colētibz quam
gratissimus.

Vale.

A ii

Ad Spectatores prefatio.

Quanquā ueteres sapientes, Spectatores humanissimi, nunquā a discēdi studio fœriandū: sed iugi meditatio-
ne potius percipiendæ doctrinæ acriter incumbendū sua-
sere: Sic Iulianus iureconsultus haud ignobilis discere se
uelle testatur, si uel alterum habeat in sepulchro pedem.
Pithagoras tamen Samius scite & commode in discipulis
erudiendis, & bonarū artium doctrina tradenda: diligen-
tem quandā & accuratissimā temporis atq; ordinis ratio-
nem seruasse perhibetur, quā, Diogenes in Xeniae em-
ptoris sui filiis instruendis imitari nunquā destitit, qui eos
post reliquas disciplinas, equitare, arcus intendere, fundas
rotare, iaculari, atq; in palestra sese exercere docebat, ut ha-
berent, unde fastidiū quod ex nimia studioꝝ ꝓtinuatione
facile accidere solet, releuarent, atq; inde exercitio recreati
alacrius, fortiusq; ad studia asueta ꝓsurgerent, cuius exem-
plum non solum corporis, sed ingenii uegetandi gratia
immitantes, his progymnasmatibus iuuetuti nostræ aptis
decentissimisq; in conspectū uestrum serenissimū prodire
fas duximus. Sperantes uestras insignes clāmentias De-
mocrito qui fronte semper lata erat quā se uero Cathonis
aspectu magis delectari. Quod si uel pauide nimis aut
minus quā par esset agenda efferemus omnia, uestræ do-
minationes excellētissimæ iure atq; facile ignoscent, dum
meminerint Theophrastum illum doctissimū in publico
semel orare uolentem, non modo non attonite atq; inor-
nate dixisse, sed penitus quasi lupo (ut aiunt) uiso, obmu-
tuisse, sed iam aures admoвете benignas atq; argumenta-
rium placido, ut soliti estis, uultu suscipite.

Argumentum.



Ita per huius omne tempus anxie
Curasq; mille, sortis & mutabilis
Portenta mille iugiter beatitas
Finisq; summus quaeritur mortalibus

Ambagibusq; mille mens deluditur
Sibiq; met discors uagatur inscia
Illecta laruis & bonis fallacibus
Caeli datoris immemor, luti sequax,
Aeui dies fugaci mutans tempore,
Tandemq; ducta, tracta, uix in orbitam
Reponitur uirtutis, & raro quidem,
Quam nos breui sub fabula discordiam
Boni, maliq; multa agentem pectora
Examinandam regio sub arbitro
Et iudicandam proferemus Carolo
Nepote Magni qui uiget nunc Caesaris,
Aures benignas admouete paululum
Viri, & fauete quod uenit spectaculo.

Preco.

Ir herren hoch von manchem stande
Auf eer vnd tugend vns bekandt
Kurtzweyl wir euch zu diser zeit
Erpieten vnd vil frolicheit.
Manch weg den menschen hin vnd heer
In lebens zeit ia mit geseer,

A iii

Verleiten/vnd des himels pan
 Verdeckt wurt von manchem man.
 Darumb/das wollust seer gefelt
 Vnd tugent wurdt zu ruck gestelt
 Zwitteracht erhebt sich da vnd dort
 Venus/Pallas/an keinem ort
 Vergleichen sich. Dy tugend strafft
 Des menschen hertz mit rat vnd krafft
 Das wir euch geben zu verstan
 In disem spil yetz hebend an.
 Aber fur fraw Venus/vnd fur dich
 Red selber/vnd Latine sprich.

Venus.

Ingredior dea læta, Sales & gaudia uobis
 Adfero conuiuæ, cuncti mea signa sequuntor
 Sunt Arabum mihi diuitiæ, sumiq; Sabæi
 Littoris & rubri gemmæ, nec balsama defunt,
 Fucus & in uultu lasciuo risus in ore
 Area plœna choris, & amoribus apta iuuentus
 Plœna domus gancis, epulonibus atria plœna
 Omnigenæq; dapes, & pocula, quotquot Iacchus
 Miscet, adest placidi quantam uolo gratia somni
 Strati & mollitiēs, & mille libidinis artes.
 Militiæ sunt ista meæ, stips ipsa uoluptas
 Quam meus economus stygiis e fontibus haustam
 Dispensat uaria pro conditione bibentum,
 Ito Satan, dato uasa uiris gustanda, Rediq;
 Fœnore cum multo stultas & decipe mentes.

Satan.

Diuitias Erebi, luxum Mercator & omnes
Desidiæ merces propono, corpora uobis
Sint animæ nobis, animas hæc pharmaca quærunt
Quisq; suam capiat Venerem, sit noster & ille,
Nemo te colit hic, & nauci ducitur orcus
O Venus, & redeo sine pharmacopola lucello.

Venus.

Ah mihi tarde nimis, non tardo uerbere digne
Cur non & thecas aperis, & singula tentas
Pectora circuiens? procul i meliorq; redito.

Satan.

Ah mihi sæua nimis, sæuo me dignior Orco
Quid uxor toties abs te muliere molestat
Hoc ex uase bibat. Paphiæ quem pascat imago
Hauriat & formas tota quas nocte reuoluat
Est & in hoc cornu mentes inflator adimplens
Spiritus, & stultæ uentosa superbia uitæ
Vnde supercilium uobis (gustate) leuabo,
Hocq; sinu gula uenalis profertur, camq;
Gratis habere licet, nam uendimus omnia gratis
En & in hac pera lætalis multa soporis
Copia, qua decimam sumptæ dormitur ad horam
Miror in hoc circo sperni quæ sæpe fuere
Grata uiris quibus est uertex obrasus, & ordo
Durior, implicitumq; caput tectumq; cucullo,
Sæpe mihi pater est aliquis deceptus cremi

Hinc autem redeo uacuum, Venus o mea parce
Quod uacuum redeo, gemmas quā Phārmaca mallent.

Venus.

Torue Satan ueteres inter nequissime nequam
Est opus hic puero, canos labor iste repellit
Ipse tuas abiens thecas & Phārmaca mande.
Nate meæ uires, Pharetra cui mille sagittæ
Has pete (non artus) hamato cuspide mentes
Vt ere nate dolis & uulnere percutere cæco
Istuc tende meis est aptus lusibus ille
Huc huc tende puer iaculum matrisq; sagittas.

Lupido.

Arcus & en mucro, nec mucro nec arcus obaudit
Spicula missa cadunt, sint & si fortius acta.

Venus.

Sentio nate meis contraria numina rebus
Aemula præuenit Pallas, docuitq; cauendam
Meme luxuriæ magna cum laude magistrā
Pallas alens curis mortalia corda, negansq;
Ocia, durius haud tribulat quos Iuppiter odit.

Pallas.

Audio nitentem leuibus, nec in ordine dictis
Meq; laceffentem, ludenti alludere par est.
Salue diuā Venus, scelerumq; licentia salue
Virgo salus hominū, saluat si spurca uoluptas,
Nomina digna deæ, Lenonumq; hospita salue

Proch

Proch indigna pio munda ut uertaris in ore
Palladis, & nobis impudentissima certas.

Venus.

Spreta fuit postquam Paridi tritonia Pallas
Vistricem latrat Paphiam, simulatq; pudorem,
Cum Iunone mihi semel est dum uista, sub Ida,
Siccine damnamus luxum, dum posse negatur.

Pallas.

Omnia quæ superat uirtutem prædico Pallas
Illa parit titulos, trabeam, sellasq; curules
Illa urbes populosq; regit moderamine recto
Postq; dies uitæ caste actos, postq; labores
Præmia militiæ nunc duræ, sydera donat.

Venus.

Quod presto est Pallas tollit, spondetq; futurum,
Scilicet extinctis, & nunc uiuentibus aufert
Et spondet pingues elixis cotibus ossas
Sic larices inter furiis prohibentibus ardet
Tantalus, & mensas inter tabescit opimas

Pallas.

Algor & esuries, æstiu caumaq; cœli
Sollicitæ noctes, frugiq; modestia uitæ
Ista labore quidem non paruo, tempore paruo
Viuerè dumq; licet, celeres nam uiuitur horas
Sint toleranda uito tanto pro munere forti

Venus.

Quid fauces aridas, ieiunaq; uiscera uento
Curis & uacuis pallens tritonia pascis?
Ipsa sitim tolera, mensas fuge, semper & alge.

Pallas.

Florida quid facies, quid serica palla, dapesue
Regales, mollisq; thorus, pondusq; metalli
Totaq; luxuries, nisi uasto in gurgite bulla
Flante crepans Euro, fuerat quæ turgida multum,
Et toties nostro petulantior obstrepis ori,
Quicquid abit mortale putes, mortalia cælum
Non capit, Astra tenet fœlix per sæcula uirtus,
Illa suæ nos militiæ præfecit, & armis
Vndiq; me natam mihi semper prouida mater
Muniit inuictis, Galeam Viden atq; Sarissam
His ego fido, mea stans tutelaris in arce
Diua, Nefas abigo, Vigiliq; oculatior Argo
Hos uitiiis, nunchos aditus ocludo Virago.

Venus.

Deformes, inopesq; tibi sint, Pallas, & illis
Vtere militibus, numerus mihi pinguior esto.

Pallas.

Miles Acidaliæ numero caret, allicit omnes
Fœda placet quibus ingluuius & inertia uitæ,
Est fortis noster, non est exercitus ingens

Ingenuis auctusq; uiris. Teq; optime primum
Maxima Burgundis atq; æuo gloria nostro
Iudice te, nostrum nunc utraq; stetue cadatue.

Venus.

Atq; ego Carole mi te iudice tuta decoro
Forſan ero, Faucas o formoſiſſime princeps.

Preco.

Chara mihi Pallas, formaq; armisq; decora
Vinces ne dubita me patrocinante, ſed oro
Noſtris ut meritis aliquid taciteq; rependas,
Iudicio ſi forte cades ego dentibus iſtis
Stabo tibi uindex, pedibus quatiamaq; Satanem
Horrendum pecus hoc quo non deformius ullum,
Fuſte meo baratri ſolitos redigetur ad ignes.

Satan.

Siccine me rudas aurite & uilis aſellæ?
Sta domine uindex, pedibus quate meq; Satanem,
Iamq; iubam præbe, quatiamaq; tibi poma comasq;.

Iuder.

Tantiſper fatuis nunc his ſua bella ſinamus
Vnguibus impexum dum peſtitur occiput illis
Fœdera non ineunt, niſi ſpument ore cruorem.

Preco.

Iam cuncti taceant, uomui dum uerba recepi
Verbera mandibulas cruor occupat ecce reſuſas
b ii

Nulla salus rixis, igitur mecum ora tenete
Dicat ut & iudex indico silentia cun&is.

Iudex.

Iudicis officio fungenti, multa necesse est
Observare, prius nec præcipitabilis illi
Quam bene constiterit (præmissio examine) causa,
Vtraq; pars igitur testes producat, utrinq;
Res vobis agitur, priscis sæpe acta magistris.

Adodus.

Dis.

Altus

Téor

Bass⁹

Veritas summo residens olympo
Orbis æternas moderans habenas.
Legibus iustis homines & astra.
Fata regitq;.

Eius exemplo legitur Senatus
Publicis rebus uigilans, & æqui
Cognitor Iudex scelerumq; uindex
Iustus in omnes.

Soluat aut damnet nihil ille inique
Testibus ductis trutinat fideli
Partium causas, pariliq; libra,
Iusq; rependar.

Testibus falsis nihil est in orbe
Peius, insonis est quoties subactus
Aere dum diues, miser ore pugnat
Ante tribunal.

Secundus actus.

Proco.

Venus vnd Pallas mit gefecht
Auf ir furbzügen suchen recht
Seintmal dy sach so zwitteracht stat
Vnd yore sich versehen hat
Zu Carolo von adel gros
Dem iungling Kaiserlichs genos
Das er endlich ein vteyl fell
Spricht Carolus ein yore stell
Ir zeugen: dennach gee sententz
An gunst vnd alle complacenz
Nun Venus dich mit fleiß ytz ruer
Vnd erstlich deinen zeugen fuer
Waisst Epicurus alzeit vol

b iii

Darnach mein Pallas thu so wol
Dein zeugnis stell haist Hercules
Ein man der tugend wol gemef
Fach an Venus das ander teyl
Im spil / ein yower schweyg dy weyl.

Venus.

Quandoquidem nobis unus pro mille putaris
Huc ades, hanc causam foueas Epicure Magister
Ventris es haud expers, hærent mea gaudia uentri
Urgeor en ut teste probem, q̃ dulce petatur
Proq̃ labore quies, proq̃ anxietate uoluptas.

Epicurus.

Dicere me prohibent quæ rustuo prandia, sauxq̃
Anginam patitur nimio (Venus optima) pingui
Est opus hic primum (loquar ut) lenimine dulci
Porrige quisquis habes sitibundo uitra palato,
Os aperit, gutturq̃ rigat, stomachoq̃ medetur
In modio sumptum, sensus acuitq̃ lyæum,
Sentio uim Bacchi, mihi littera defuit una
In modico sumptum sensus acuisse lyæum
Sæpe quidem legi, placuit sententia nunquam
Pocula plœna iuuant, testi date pocula plœna
Antea quam tester, calices faciantq̃ disertum.

Satan.

Hoc tibi uas udum patulo mergatur in ore,
Nunc uome quæ sentis, & rumine proiice uerba.

Epicurus.

Nullus in orbe mei Pueri deus esse uidetur
Esto sit, haud curat, temerarius ordoq; rerum
Omnia confundens homines atq; æthera gignit
Solaq; sit sequitur mundo, confusio mater.

Satan.

Dulce merum tua dicta senex mihi grata merentur
Hauri docte senex & bacchanalia uiuens.

Epicurus.

Non igitur Iouis ira mihi baratrumq; timendum
Quando leuis cum corpore mens euanida uitam
Perdet, in antiquas atomos resolvable olim.
Tu quoq; nata mari salsa mutabere spuma
O Venus, Et Pallas liquida mutabitur aura.
Est adeo nihil in toto durabile mundo
Mundus & ipse suas aliquot post sæcula formas
Transferet in formas alias, soloq; manebit
Fortuitu, non est fatum, sed fingitur esse
Quare delicias concessio quærimus æuo
Cætera multigenos cum præmia nulla labores
Nullaq; luxuriam post uitam poena sequatur.

Satan.

Melle mihi tua dulcior est doctrina Magister
Hæc Stygios manes, furias & mulcet auernas.

Epicurus.

Ludo, biboq; dies, & longas dormio noctes
Sæpe diem medium saturatus dormio ludis!
Et iuuat innumero uitam deducere luxu
Dum uacat, intereunt omnes cum corpore luxus.

Satan.

Rauca tibi tussis lardo est ungenda suillo
Mande pater-mentum donec tibi pingue saginet.

Epicurus.

O mihi proceræ laricis sit guttur ad instar,
Longius ut sapiat sensum demissa uoluptas,
Amplius osq; antro, dens omnis maior eburno
Et uestica cado, cuppaq; capacior aluus
Oceani pisces, & copia tanta ferinæ
Carnis, emit quantam per sabbata, magna Vienna

Satan.

Flabello cinifes abigam (sine) chare magister,
Crapula quasq; trahit, muscas, uespasq; furentes.

Epicurus.

O super & sæno, curru gestante sederem
Pinguis & o biberem, mellitaq; liba uorarem
Et ueherer totam ruris per compita lucem,
Copia larga o si nunq; fastidia ferret
Iam me nemo foret fœlicior, Ebrius ergo

Semper, & ingenti distentus semper omaso
Dote fruar uitæ, mors finiet omnia, nosq;

Iudex.

Deliro proci ore senex quid blatterat iste
Garrulus, & nugis infamibus atria replet.
Altera pars litis testes Tritonia ducat
Virgo suos, habeat finem contentio tandem.

Pallas.

Non est o Iudex ethicen proferre necesse
Socraticam, nudisq; diem consumere uerbis
Rebus ego ostendam sanctæ uirtutis honorem
Alcides mihi testis adest fortissimus Heros
Ille meam factis causam non uoce, probato,
Huc ades o scelerum domitor, uerissime testis.

Hercules.

Hercule me uirtus deuictis indyta monstros
Enituit uariis, uici quæ uincere durum est
Non luxu sed continuo, duroq; labore:
Astra mihi uirtus peperit, uicitq; gygantes.

Anteus.

Astra tibi uirtus peperit uicitq; gygantes?
En hic Antæus, certamine uince gygantem
Confere latro manus, mecum tibi sitq; duellum.

Hercules.

Hic deiecte iace nostris uastissima moles.
Viribus, & tumido post hac non utere dicto,
Vach, iterum sternende uenis telluris alumne!
Matrem non tangis iterum, quæ tacta ministrat
Robur, ego his angam strictis te fortius ulnis
Inq; auras cogam uacuas deponere uitam
Semineces auferte artus, & discite, luxum
Non nisi sublati fomenti posse moriri.
Vulcano stipulam qui subtrahis abstrahe longe
Nam uitam repetet sociata incautus igni
Atq; animus liber uicis, contagia uitet.

Gerion.

Vnius hic uictor non uiribus use sed astu
Me quoq; tergemini pete, teq; superbe petemus,
Et tua quam iactas ponetur gloria tandem.

Hercules.

Gerionem uideo, forsinq; uidebimur illi,
Belua dira quidem nobis uincenda, tricornor,
At uincam. Procumbe uni mihi latro triformis,
En iacet, hinc trahitor, Triplex ita sternitur hostis
Illecebras contra dum sedula bella mouemus
Mundus quas petulans, caeco sanguine plœna, Satanaq;
Mentibus obiciunt nostris, ipsaq; fatigant.

Amazon Hyppolita.

Virtus nulla uiris, Alciden scœmina ludat
Quidq; armis (pateat) possumus uterq; uicissim.

Hercules.

Gloria magna uiro mulier uincatur ut una:
Complexu genus hoc uinci non uulnere mauult.

Amazon.

Vtere congressu tali cum pellice castæ
Coniugis, haud ista bellantur Amazones arte

Hercules.

Ne fuge complexus age nostros fortis Amazon,
Baltheus en spodium, fuit hoc spoliata uirago.

Amazon.

Scilicet Hyppolitæ tibi Baltheus auget honorem
I spolioq; meo raptor scelerate suberbi.

Hercules.

I mulier uincenda uiro, mollesq; triumphans.
Cominus haud uinces pugnando sed eminus illam
Quisquis foemineo forte oppugnaris amore
Congressu capiere, fuga saluabere miles
Et fragilis formæ contemptor uictor abibis,
I mulier non arma uirum sed quære choreas.


Lacus.

Ter uictor de me quarto lætabere nunquam
Par & si barro perstes, instarq; colossi.

Mercurus.

Cace, mea dextra fumi spirator obibis,
Hic resupine iace, stygiis informe cadauer
Merge Satan umbris, portentū & tolle profanum,
Sic o mortales sic iræ pellite fumos
Et tetros animi motus & pectoris ignes,
Sidera munda, uolunt mentes fuligine mundas
Nec cælum recipit scelerum nidore notatos,
Non & quæ secta ceruice repullulat hydra
Semper, & infrendens reliquarum turba ferarum
Semiferiq; uiri, Busirisq; hospes & hostis
Huc adsunt! Quo Cerbere te nunc oculis ex hac
Hoste carens igitur discendam uictor harena,
Viuite mortales rerum discrimine multo
Exemplōq; meo dum uiuitis este parati
Dæmone cum uario uariam cōmittere luctam,
Non somno æternas uenietis ad ætheris arces,
Cursoriq; datur celeri (de more) brauium,
Displicet esto labor, non displicet ultima merces.

Modus.



Herculem lætis celebramus hymnis

Ille nam longa serie laborum

Inter & tauros fuit & leones

Victor & apros.

Inter & toruæ fera monstra formæ

Sustulit palmam pugil, & tris fauces

Abstulit pestes domitor Draconum

Atq; Gygantum

Vnde non uno celebris triumpho

Nomen & famam meruit perennem.

Fertur & dignus ferat ut serenum

Pondus Atlantis.

Vincitur grandi stygius labore
Haudq; conflictu medico Tyrannus,
Prælio æbro superata tellus
Sydera donat.

Tertius actus.

Præco.

Mach disputieren zweyer ort
Verherung auch der zeugen wort
Nachfolgen soll decisio
In diesem schimpf pro tertio
Vnd entlich spruch nach rechtes laut
Wer hab verschult zal mit der haut
Gerechtikeit vergolten werd
Mit gab vnd preys bequemt sich ser
Nun richter wolgepomer art
Von küntheit eer vnd zucht gelart
Edon vnd straf wie pillich ist
Gib vrteyl: stell nit weyter frist.

Præco.

Huc adsunto, quibus petitur sententia ferri
Intentiq; omnes (prætor iubet) ora tenete.

Juder.

Fronte quidem prima cunctari ab iudice mos est
Ocius & solui quenq; , plecti ue, nefas est
Nec nisi perspectis danda est sententia rebus,

Ipseque iam dudum (quoniam non immemor albi
Sæpius hybleo costis sub melle ueneni
Inuentique boni callente sub arbore sorbi,
Sæpeque non fontem pœnam pro fonte tulisse)
Consulto, uerumque mora, iustumque requiro,
Et fuit interea defensio partibus æqua,
Nunc ultro, citroque probæ scrutamine libræ
Pensis litigiis, præponderat optima pallas,
Illa igitur iusta potiatur munere palmæ,
Accipe uirgo tuæ meritum uirtutis honorem.

Pallas.

Me fuerit uicisse satis iustissime iudex.
Fata tibi, generique tuo dant Carole palmam
Principis eximii generosa propago Philippi,
Hanc igitur frondem tibi nunc Tritonia reddit
Virtutis monimenta, tuisque nepotibus optat.

Iudex.

Alciden factis celebré præstantibus, apto
Accumulare decet gestis pro rebus honore,
Abstulit ille malos quando uirtutis amore
Cœlo sub toto, cœlum uirtutibus esto,
Herculeis igitur scapulis imponimus orbem.

Hercules.

Virtuti si Carole mi debetur olympus
At debetur ei, te nunc dignamur eodem,
Quandoquidem fulgens Ataus pietate serenis

c. ii

Atq; illo quo non aliud nunc maius in orbe est
Ostriacus pater est illi, Lusitanaq; mater
Solis utramq; domum tenet ergo, agitatq; sub imis
Hesperiam plantis, Boream caput exerit usq;
Et late immanes aquila uictrice tyrannos
Prosternit Cæsar Maxæmilianus, ab omni
Parte uigil, Martem collato marteq; frangit
Te decet hoc igitur luenum clarissime donum
Vtpote qui Sortis maiorum ducis heres,
Suscipe lucentem stellis ardentibus axem
Prælustresq; puer mores imitare parentum.

Juder.

Suscipio tanto redeuntia dona favore
Herculis Armisonæq; deæ, stat quantus uterq;
Ambo Iouis Soboles & rebus & artibus ingens,
Nunc superest ut colluies me uindice pœnam
Spurea luat iustam, frugi neq; prouocet ultra,
Heus uentosa Venus leuior fuligine nigra
Vanior & stipulis baratri fornacibus apta
Tuq; puerq; tuus citius properate sub umbras
Ardentes umbras Erebi noctemq; perennem,
Tolle Satan ambos, ut fletu gaudia mutant.

Satan.

Huc huc uerte pedes ubi flammea turba procorum
Vos manet, Infernæ mensas ornate sorores
Sulphureis dapibus, uenit ad uos gloria mundi
Ne nostras trepidate domos materq; puerq;,

Turpia laudastis, dabimus turpissima uobis.

Venus.

Nos puer o miseros, o nos defende sagittis,
Sæpe quibus maior & celsit Iuppiter ipse.

Lupido.

Iudice languemus sub frangi, languet & arcus
O mater, parci ridet mea, spicula uentres
Et rapimur diti, quoniam seruiimus illi.

Lacus ex inferno.

Parue puer, grandis nequam, pharetrate Cupido,
Et scelerum non parua parens Venus, Ecce uenitist
Hospitibus luxu notis ereboq; poloq;
Istuc adductis inferni plaudite manes,
Ite, picem flammis miscere, epulasq; parate
O furia, Stygis & Bromium bibat hospes uterq;
Ditis & in thalamo recubet Venus atq; Cupido.

Iuder.

Nec Veneris præco, mores Epicurus inertes
Atq; gulam tradens reliquasq; libidinis artes
Hinc eat impunis, uiciorum sterne Magistrum
Vmbrarum consors Cace nunc, unusq; Satanum,
Sterne pecus, ferulis & pingues excute clunes
Ad musæ numerum, chorus & respondeat ipsum
Tuq; Satan socio non impiger esto minister.

c iii

Lacus.

Sternere pingue pecus, sustes & suscipe pingues,
Venter ut est, molles facient tibi uerbera costas.
Ad musas plagæ resonent, uos reddite musas,
Alternisq; seni fatuo præana canamus.

Epicurus.

Oenophili cuncti, quibus & placet uncta culina
Huc sartaginibus nigris, uerubusq; columnis
Este, Lebetibus & curuis, patinisq; cadisq;
Me nunc & miserum rabulam descendite uestrum.

Satan.

Non discet pater iste bonum nisi uapulet, ergo
Quod negat ore, sciat plagis in podice uerum.

Lacus.

Optasti capsam uentrisq; orisq; patentem
Ollas ut possis, totamq; uorare popinam
O tibi maiores tumido sint tergore clunes
Nam placet in plenas nobis crepitatio folles.

Adodus.

Dis.
Alt.⁹
Téor
Bass.⁹

Prauitas atro similis ueneno
Mentibus rectis inimica pestis
Proforet nobis nihil, esset & si
Nulla Gehenna.

Lacus.

Durius immundo flagrum debetur asello
Et cano plagæ puero medicina putantur.

Adodus.

Est deus magni dominator orbis
Omnium prudens operum repensor
Ille mercedem tribuit merenti

Astra nec orbem

Lacus.

Fustibus & contis ægro medicabimur isti,
Oscitat & stertit, pinguesq; & ructuat ossas.

Adodus.

Est sibi uirtus quia munus ipsi
Et quidem fœlix, igitur colenda
Hæc foret, cunctis, Deus esset & si
Nullus in orbe.

Lacus.

Cui lardum prurit frictu sanabitur isto
Nam tenuat pellem, Venerisq; incendia tollit.

Adodus.

Quisquis ad sedes igitur beatas
Pergis, abs te sit procul omne crimen
Sit comes uirtus tibi, Grata diuis
Chære uiator.

Ad Spectatores.

Quicumq; lætis hæc ludicra frontibus
Spectastis, atq; hanc Caroli sententiam
Viri comes & admodum obseruabiles,
Quæ circo in isto lusimus poetice
Fata benigno, diis & annuentibus
Beata fors uobis, comesq; sospitas
Mens & serena conferantur cœlitus
Tenorq; uitæ longior quam Nestori.

Ad Serenissimam Hungarorum

Reginam designatam peroratio.

Aedita Principibus uirgo pulcherrima summis
Regali seruata toro, seruata thronoq;
Musas quæ latias uitæq; exempla pudicæ
Acui flore nouo teneris & diligis annis
Quæ tibi pieridum lufit studiosa iuuentus
Te rogat, accipias placido spectacula uultu
Sic tibi seruetur pilios Ludouicus in annos
Pannoniæ rex, ingenua puer indole pollens
Sic properet tibi iusta dies & nubilis ætas
Atq; diu placidæ stent sortis munera utriq;.

Ad Reuerendissimum Dominum

Matt. Tit. S. Ang. Diac. Card. peroratio.

Ingenui cultor studii clarissime princeps
Imperii pars magna sacri, Romæq; senator
Germanasq; Italasq; ingens Mathæe per oras
Factis egregiis. Patris & legatæ supremi
Virtus clara cui titulos dedit atq; tiaras
Insignes, & sorte frui Maxæmiliani
Principis in toto quantum sol aspicit orbe
Inter & illustres magna arte negocia reges
Consilio tractare bono, uotisq; potiri
Hæc tibi Calliope nuncpubes dedita lufit

De cum omnibus litterarū studijs

tum præcipue mansuetioribus Phœbi fidus
præsideat Ioanni Chilimaro artium lib.
Magistro Ludi huius moderato
ri Benedictus Chelidonius.

Prodit ab ætherno sapientia prima parente
Rerum prima dies, astra deosq; regens.
Illius est cœli clarissima lampas imago
Mentes instituens Delius ingenuas.
Sors ea nanq; illi, duplicem mortalibus ignem
Naturæ & duplicis, indere uisceribus.
Quo sensus fouet atq; iuuat, penitisq; medullis
Viuisicum inspirat lumen & ingeniis,
Cuius dulce decus quem non capit, esto profanus
Et procul a Phœbi suaue canente choro.
Secteturq; rudem uulgum, crasseq; Mineruæ
Seruiat & tenebras incolat, atq; lutum.
Phœbus porro suos diuinis artibus ornat,
Indignissimus est artibus omnis iners.
Phœbus lucifluus terrasq; polosq; peragrans
Omnia collustrat, cæcæq; sola fugit,
Luce uel immensa cæcum est penetrabile nullum,
Nec doctum capiunt pectora cæca iubar.
Cum rerum uarias diuerso munere formas
Naturæq; modos differat omnigenos.
Sunt animi uaria pro conditione diserti
Quisq; suum radium solis ab orbe trahens
Ille polo spaciens terras metitur & undas,
Orando hic causas, iste medendo ualet.
Sunt qui diuorum trutinantes numina & æuum,
Rerum principiis anxius inuigilant.
Pars eadem numeris foeliciter omnia callet
Phœbi præcipuis dedita deliciis
Quos tamen inuidiæ non foelix lingua lacescit
Lingua quidem stygio non aliena cani.
At satis auricomi fuerit tutela patroni
Sibilet (esto) Draco, ridet Apollo tamen.

Libera mens studiis est liberioribus apta
Exulta & Sophia dogmata sola colit.
Talis iampridem docto tibi sedula pubes
Hæret Ioannes, indolis aucta lucro
Subq; tuo ductu gemino decorata nitore
Artibus & pollet moribus ingenuis.
Vnde tibi grates debet Chilimare paternas
Præceptor quando sunt genitorq; pares.

Egerunt.

Nicolaus comes iunior: de Salm

BARONES.

Longinus de puecham.

Veickhardus de Puecham.

Vencefflaus huguitz ex biskupitz.

Adam de Lomnitz.

Georgius de Zintzendorf.

Anthonius de hehenfeld.

NOBILES.

Ioannes Deitenhofer.

Romanus Geyr.

Sigismundus fraus. Et

Sebastianus Niderl ex Olmuntz.

Leopoldus hohennarter. Vienn.

Ioannes Milecker.

Georgius Klaindienstl.

Ioannes neumiller.


Decimo Cal. Martias. 1515.

Impressum Viennæ Pannoniæ per Ioannem
Singrenium Expensis uero Leonardi



100





Engel, 717 sub. -

